



Universitätsbibliothek Paderborn

Historiae Ecclesiasticae Pars ...

Historiae Ecclesiasticae Pars Secvnda, Qva Continentvr Socratis Scolastici
Constantinopolitani lib. 7. Theodoriti Cyrensis episcopi lib. 5

Christopherson, John

[Köln], 1569

Libri Prooemium, & quomodo Constantinus Imperator ad Christianam
fidem se contulerit. Cap. I.

urn:nbn:de:hbz:466:1-12704

S O C R A T I S
S C H O L A S T I C I H I -
S T O R I A E E C C L E -
S I A S T I C A E ,

Liber Primus

Libri Proœmium, & quomodo Constantinus

*Imperator ad Christianam fidem se
contulerit.*

C A P . I .



E S in Ecclesia gestas, Eusebius co-
gnomento Pamphilus decem omni-
no libris complexus, Historiam, ad
tempora solum Constantini Impera-
toris deduxit. Quibus quidem tem-
poribus persecutionis flamma, quam
Diocletianus contra Christianos in-
cenderat, restincta est. Vitam etiam

Constantini idem Author literis mandans, Arij facta leui-
ter admodum perstrinxit: quādoquidem Imperatoris illius
virtutes prædicare, atque adeo orationem, qua illum egre-
gie laudaret, maiestate verborum exquisite illustratam, cō-
ponere magis animo connitebatur, quām res gestas accu-
rate explicare. Nos igitur, quoniam apud animum propo-
suimus scriptis prodere ea, quæ ab illo tempore hactenus
in ecclesia gesta accepimus, ex illis rebus, à quibus ab eo
desitum est scribere, nostri operis exordiū capiemus: neque
genus dicendi insolens altiusve exaggeratum consecutari,
sed solum ea, quæ vel inuenimus literarum monumentis
tradita, vel ab illis, qui eadem ipsa oculis viderint, audiui-
mus, perspicue exponere animus est. Ac quoniam ad id,
quod est nobis propositum, non parum adiumenti afferre
videtur, si qua ratione Constantinus Imperator ad fidem
Christianam se cōtulerit, commemoremus, de eo pro virili
parte pauca dicemus, indeq; sermonis nostri sumemus ini-

8

tium.

SOCRATIS HISTORIAE

tium. Cum Diocletianus, & Maximianus cognométo Herculius, consensu quodam animorum inter ipsos, deposuerint Imperium, priuatumq; viuendi genus sibi delegissent, & Maximianus, qui Galerius etiam dictus est, vnaque cum illis regnauerat, profectus in Italiam, duos designasset Cæsares, Maximinum, quem Orienti, & Seuerum, quem Italæ præfecit, Constantinus, ut patri Constantio (qui primo anno ducentesimæ septuagesimæ primæ Olympiadis, octauo Calend. Augusti mortem obiit) succederet, Imperator in Britannia est palam declaratus. Romæ autem militum prætorianorum suffragiis Maxentius filius Maximiani Herculi, non ad gerendum imperium, sed ad tyrannidem potius exercendam elatus est. His rebus ita comparatis, Herculeius dominandi libidine denuo inflammatus, Filium Maxentium è medio tollere aggreditur. Cæterum milites, quo minus hoc efficeret, illi fuere impedimento. Postea vero Tarsi, quæ est vrbs Ciliciæ, è vita migrauit. Cæsar autem Seuerus, qui Romam ad capiendum Maxentium erat à Galerio Maximiano misitus, proditus à militibus, interfactus est. Ad extreum Maximianus Galerius summam rerum iam administrans, ut primum Licinnium, qui è Dacia oriundus, & societate militari iam pridem, & magna necessitudine fuerat cum eo coniunctus, Imperatorem creauisset, morte occubuit. Maxentius interea Romanos misere affigit opprimitque: se tyrannum, non Imperatorem erga illos declarat: longe extra verecundiaæ fines egrediens, hominum ingenuorum vxoribus stuprum infert: multos necidat: alia denique flagitia his similia designat. De quibus rebus Constantinus Imperator certior factus, omni cura & cogitatione sibi incumbendum statuit, ut Romanos servitutis iugo oppressos in libertatem vindicaret: ac statim secum consilium inire coepit, quo pacto tyranno vitam adimeret. Et dum in ista cogitatione versabatur, considerauit diligenter, quem Deum sibi adiutorem ad bellum gerendum inuocaret. Venit namque illi in mentem Diocletianum, qui toto pectore, ut dicitur, in deorum gentilium cultum incubuerat, nihil inde commodi cepisse: proq; certo comperit, suum ipsius patrem Constantium, qui se ab illorum deorum veneratione auocauerat, vitam multo beatiorcm

torem traduxisse. Illi igitur in tam ancipi deliberatione posito, & forte vna cum militibus iter nescio quo facienti, visio quædam, vt admirabilis spectatu, ita dictu plane incredibilis sese obtulit. Nam circiter meridiem, die aliquantulum iam in pomeridianum tempus inclinante, columnam lucis in cælo effigiem crucis radiis mire exprimentem vidit: in qua literæ inherant ista verba complectentes,

IN HOC YINCE. Quod quidem signum iam visum sic imperatorem obstupefecit, vt suis ipsius oculis prope modum diffidens, ab illis, qui vna aderant, sciscitatus sit, num ipsi etiam fuissent eiusdem visionis facti participes.

Quod cum uno ore omnes ad unum affirmassent, fluctuans Imperatoris mens diuino illo & admirabili viso fuit admodum confirmata. Nocte vero sequenti, secundum quietem videt Christum, qui sic illum affatur: Crucis effigiem ad exemplat illius signi, quod tibi apparuerit, fabricare: eaque tanquam insigni quodam ad victoriam valde accommodato, contra hostes utere. Huic ergo Christi oraculo obsequens, insigne crucis, quod adhuc custoditur in palatio, constitendum curat. Quo frœtus, maiore cum animi alacritate ad res gerendas se confert. Ante portas urbis Romæ circiter pontem Milium cum hoste configens, victoriam (Maxentius enim in flumen demersus interiit) perfacile consequitur. Septimus iam imperii sui agebatur annus, cum à Maxentio victoriam reportauit. His confessis rebus, dum Licinius, qui cum illo in imperij administratione coniunctus fuit, & vir sororis sue Constantiae, factus, in oriente degeret, Constantinus tam ampla beneficia à Deo adeptus ea officia, quibus ei, qui tam benignus in ipsum extiterat, gratias ageret, sedulo obire coepit. Quæ huius generis fuere: Liberare à persecutione Christianos: eos, qui patria exulauerant, domum reuocare: occlusos in carcere, dimittere liberos: His, quorum bona publicata erant, fortunas restituere: dirutas Ecclesias denuo erigere. quæ quidem omnia valde propenso studio & voluntate transegit. Interea temporis Diocletianus qui imperio se abdicauerat, Saloni, quæ est ciuitas Dalmatiæ, decedit de vita.

A 2

Quomodo